



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 100. Ducatus Mediolanensis a Ludovico usurpatus.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul. XV.
A.C. 1494
haustus absumeretur, nec leve huic opiniononi argumentum adjecit Theodorus de Papia Regis Medicus, qui, Carolo juvenem hunc Ducem invifente, præfens testatus est, in hoc morbo manifesta hausti veneni indicia deprehendi.

§. C.

Ducatus Mediolanensis a Ludovico usurpatus.

Guic. ibid. Ludovicus comperta Nepotis sui morte, nulla mora Mediolanum contendit, atque Senatum convocavit; cumque Senatorum præcipuos ad suas partes traxisset, hi in Ludovici gratiam exponunt, Mediolanensem ditionem ab hostium copiis undique premi, jamque intra ipsa Ducatus viscera unum exercitum grassari, duos alios in finibus consistere; imparem ergo esse tuendo imperio juvenem Ducem, natu quidem maximum, sed non nisi puerum quinquennem, hinc Virum requiri prudentia atque auctoritate magnum, qui vacillantem Ducatum sustentaret. Jam vero neminem Ludovico potentius a patria avertere posse imminens periculum, proin solum illum velut Ducem salutandum, atque ad acceptandam, quam recusasset, dignitatem compellendam esse. Hæc ratio vix proposita, jam ab alijs, quorum suffragia auro emebantur, suo

suo quoque calculo comprobata fuit, re-
 liquis Senatoribus ne hiscere quidem au-
 dentibus; sicque Ludovicus ambitionem
 suam ad optatum finem perduxit, qui ta-
 men fidelitatis Sacramentum a suis re-
 cipere nonnihil per simulationem relu-
 ctabatur. Cum vero eo temporis mo-
 mento, quo promiserat, ad Regem rever-
 sus non esset, hæc cunctatio haud mo-
 dice conceptam de ejusdem integritate
 suspicionem auxit, animisque cunctorum
 ea infedit opinio, Ludovicum aliena ope
 haud ultra indigum, abs dubio Gallo-
 rum studia communi Italiæ utilitati om-
 nino posthabiturum, imo etiam, ut haud
 temere credebatur, ad extremum Galli-
 ci exercitus exitium eidem transitum,
 viasque interclusurum: Unde, num ul-
 terius progredi ac majora tentare con-
 sultum foret, convocato Regis Senatu
 deliberatum est, plurimorum suffragiis
 reditum suadentibus.

§. CI.

*De itinere versus Neapolin
consultatum.*

Attamen cum Ludovicus reverteretur,
 Rex ejus adventu permotus, cum
 exercitu suo Neapolin versus progredi sta-
 tuit, quod tamen iter an arripiendum esset,
 non una omnium erat sententia. Equi-

P p 3 dem

Sæcul. XV.
 A.C. 1494.